

জনসংযোগ অফিস
জাহাঙ্গীরনগর বিশ্ববিদ্যালয়
সাভার, ঢাকা, বাংলাদেশ
ফোন: ৭৭৯১০৪৫-৫১



Public Relations Office
Jahangirnagar University
Savar Dhaka Bangladesh
Phone: +88027791045-51

প্রেস বিজ্ঞপ্তি

জাহাঙ্গীরনগর বিশ্ববিদ্যালয়:
বঙ্গমাতা বেগম ফজিলাতুল্লেছা মুজিবের
৮৮-তম জন্মদিন পালিত

জাহাঙ্গীরনগর বিশ্ববিদ্যালয় ৮ আগস্ট ২০১৮।

জাহাঙ্গীরনগর বিশ্ববিদ্যালয়ে বঙ্গমাতা বেগম ফজিলাতুল্লেছা মুজিবের ৮৮-তম জন্মদিন যথাযোগ্য মর্যাদার সাথে পালিত হয়েছে। এ উপলক্ষে জাহাঙ্গীরনগর বিশ্ববিদ্যালয়ের বঙ্গমাতা বেগম ফজিলাতুল্লেছা মুজিব হলের আয়োজনে উপাচার্য অধ্যাপক ড. ফারজানা ইসলাম, প্রভোস্ট অধ্যাপক ড. মোহা. মুজিবুর রহমান, হলের ওয়ার্ডেন, হাউজ টিউটর ও ছাত্রীবৃন্দ বেলা ১২টায় বঙ্গমাতার প্রতিকৃতিতে শ্রদ্ধাঞ্জলি নিবেদন করেন। এ সময় ছাত্রলীগের পক্ষ থেকেও শ্রদ্ধাঞ্জলি নিবেদন করা হয়। এর আগে উপাচার্যের নেতৃত্বে একটি র্যালি বের করা হয়।

উপাচার্য অধ্যাপক ড. ফারজানা ইসলাম শ্রদ্ধাঞ্জলি নিবেদন করতে গিয়ে বলেন, বঙ্গমাতা বেগম ফজিলাতুল্লেছা মনেপ্রাণে একজন আদর্শ বাঙালি ছিলেন। যে কোন পরিস্থিতি দূততার সঙ্গে মোকাবিলা করতেন তিনি। বঙ্গবন্ধুর রাজনৈতিক জীবনের সব ক্ষেত্রে তাঁর সহযোগিতার কথা আমরা শ্রদ্ধার সাথে স্মরণ করি। বাংলাদেশের স্বাধিকার আন্দোলন ও স্বাধীনতা সংগ্রামে তাঁর অবদান জাতি চিরদিন মনে রাখবে।

অনুষ্ঠানে বিশ্ববিদ্যালয়ের প্রক্টর সিকদার মো. জুলকারনাইন, সহকারী প্রক্টরবৃন্দ, শিক্ষক সমিতির সভাপতি অধ্যাপক ড. নূরুল আলম, সম্পাদক অধ্যাপক বশির আহমেদ, বিশ্ববিদ্যালয় শাখা ছাত্রলীগের সভাপতি জুয়েল রানা ও সাধারণ সম্পাদক আবু সুফিয়ান চঞ্চল উপস্থিত ছিলেন।

পরিচালক (ভারপ্রাপ্ত)
জনসংযোগ অফিস